

ADDENDA

CONVÈNI

Vielha, a 13 de seteme de 2024

AMASSADI

D'ua part eth Sr. Juan Antonio Serrano Iglesias, alcalde der Ajuntament de Vielha e Mijaran, assistit pera Secretària accidentau dera Corporacion.

Der auta era Sra. Amparo Serrano Iglesias, ena sua condicion de presidenta dera Associacion de Jubilats Casau de Sant Miquèu de Vielha, damb CIF: G25227471.

MANIFÈSTEN

1èr.- Qu'existís en Vielha era Associacion de Jubilats Casau de Sant Miquèu de Vielha, leuament constituïda, ubicada ena avenguda Pas d'Arrò, num. 20 de Vielha, qu'a coma objèctiu fomentar er afairament entre es jubilats deth Municipi de Vielha e Mijaran, e eth desenvolupament d'activitats de léser pes associats.

2au.- Qu'ei volentat der Ajuntament de Vielha e Mijaran balhar supòrt economic entara contractacion de personau entara gestion deth casau, e trabalhs de condicionament e melhores en locau a on se desenvolupen es activitats dera associacion.

3au.- Qu'er Ajuntament de Vielha e Mijaran a en vigor era Ordenança Municipau reguladora de subvencions aprovada peth Plen de data 22 de deseme de 2005 e modificada per acòrds deth Plen des dies 26 de seteme de 2007, 22 de seteme de 2014 e 4 d'abriu de 2018.

Aguesta Ordenança establís en sòn article 10 qu'es subvencions poderàn autrejarse directament en quauquì casi, entre es quaus se trapan aqueri enes que s'acrediten arrasons d'interès public e sociau.

4au.- Qu'era Ordenança Municipau tanben establís que normaument er autrejament dirècte se formalizarà en un convèni.

5au.- Qu'era Lei 39/2015, d'1 d'octobre, deth Procediment Administratiu Comun des

Administracions Publiques, en sòn article 86.1 establís qu'es Administracions Publiques podran celebrar acòrds, pactes, convènis o contractes damb personas tant de Dret privat coma public, tostemp que non siguen contraris ath procediment juridic ne tracten sus matèries non susceptibles de transaccion e agen coma objècte satisfacer er interès public qu'an encomanat, damb era plenitud, efèctes e regim juridic especific que, en sòn cas, preveigue era dispausacion que lo regule.

6au.- Qu'era Lei 9/2017, de 8 de noveme, de Contratec deth Sector Public, en sòn article 6.2 determine qu'estan excluididi der àmbit dera nomentada Lei es convènis que celebren es entitats deth sector public damb personas fisiques e juridiques subjèctes ath dret privat, tostemp qu'eth sòn contengut non estongue comprenut enes contractes reguladi n'aguest Lei o en normes administratiues especiaus.

7au.- Que s'aurà en compde çò que dispausen es Bases 35, 37 e 39 des d'execucion deth Pressupòst Municipau vigent, relatives as requisits e procediment de justificacion des aportacions economiques que se receben pes entitats en compliment des convènis signadi per Ajuntament de Vielha e Mijaran.

8au.- Que s'aurà en compde çò que dispausa era Ordenança Municipau Reguladora des Subvencions der Ajuntament de Vielha e Mijaran.

Peth tot çò, convien eth present convèni e ar efècte establissen es següenti:

PACTES

PRUMÈR.- Er objècte deth present convèni ei era collaboracion entre er Ajuntament de Vielha e Mijaran e era Associacion de Jubilats Casau de Sant Miquèu de Vielha, entà balhar supòrt economic entara contractacion de personau entara organizacion deth pròpi casau, e trabalhs de condicionament e mielhores en locau a on se desenvolupen es activitats dera associacion.

Era contractacion deth personau de besonh entath corrècte foncionament deth casau, serà a cargue exclusiu dera Associacion beneficiària dera subvencion, sense qu'en cap cas supause entar Ajuntament bèra obligacion e/o vinculacion laborau.

DUSAU.- Qu'en marc d'aguest convèni er Ajuntament de Vielha e Mijaran collaborarà damb aguesta associacion damb ua subvencion annau per un impòrt de 20.167,48€ (vint mil cent seishant-set èuros damb quaranta-ueit centims), a cargue dera partida 2021-33701-48001-01.

Aguest impòrt s'incrementarà annaument damb er IPC corresponent.

D'acord er article 34.4 dera Lei 38/2003, de 17 de noveme, Generau de Subvencions, que senhale que se podran realizar pagaments per anticipat, que supausaran entregues

de quantitats damb caràcter prealable ara justificación, coma financiación de besonh entà poder portar a tèrme es actuacions inerents ara subvención, er Ajuntament de Vielha e Mijaran pagarà ara Associacion de Jubilats Casau de Sant Miquèu, er impòrt mensual corresponent a les despeses deth personau laborau que se justifiquen d'acòrd eth pacte setau d'aguest convèni. Era suma totau d'aguesti pagaments per anticipat non poderà superar en cap cas er impòrt annau concedit damb aguesta subvencion.

Eth pagament dera subvencion per part der Ajuntament, se realitzarà ena forma descrita en paràgraf anterior, sense que s'agen d'aportar garanties per part dera associacion beneficiaria, dat eth caractèr non lucratiu dera madeisha e eth caractèr sociau des activitats que realize.

Entà poder realizar eth pagament dera subvencion era beneficiaria a d'estar ath corrent en compliment des sues obligacion tributaries e damb era Seguridad Social.

TRESAU.- Qu'era Junta Directiva dera Associacion de Jubilats Casau de Sant Miquèu de Vielha, serà era responsabla de destinar era totalitat des sòs ar objècte deth compliment deth present convèni.

QUATAU.- Era Associacion de Jubilats Casau de Sant Miquèu de Vielha, justificarà ar Ajuntament de Vielha e Mijaran eth destin dera subvencion, e aurà de presentar es factures e es rebuts des pagaments corresponenti, auments per un impòrt igual ath dera subvencion autrejada, tanben presentaràn ua memòria des activitats realizades. S'aurà de dar compliment a çò mercat en article 8 dera citada ordenança municipau.

CINCAU.- Sense perjudici de çò dit anteriorment, er Ajuntament de Vielha e Mijaran, e per miei dera Intervencion de Hòns Municipaus, a era potestat irrenonciabla d'efectuar eth contròtle d'aplicacion des subvencions e ajuts economics de quinsevolh tipe que s'autrejen, entà verificar feacement que s'invertís ena finauetat entara que s'autrejèc, tot çò en compliment der article 189 e 214 deth Tèxt Rehonot dera Lei reguladora des Isendes Locaus.

SIESAU.- En toti es impresi e òpuscles de publicitat que s'editen damb referéncia as activitats se harà constar ar Ajuntament de Vielha e Mijaran coma collaborador. Igualment calerà balhar publicitat ara subvencion concedida per miei de panèu identificador enes dependéncias deth casau, atau coma enes hilats sociaus, en sòn cas.

Cossent damb çò dispausat en article 20 paragraf 8b) dera Lei Generau de Subvencions, er Ajuntament enviarà ara Base de Datos Nacional de Subvenciones, era subvencion autrejada.

SETAU.- Era entitat justificarà abans deth dia 25 de cada mes, pendent era durada deth convèni, ar Ajuntament de Vielha e Mijaran eth destin dera subvencion, mejançant es nomines deth personau contractat, factures e es rebuts des pagaments corresponents.

UEITAU.- Eth present convèni aurà ua vigéncia de quate (4) ans, e andues parts poderàn acordar pendent era vigéncia deth convèni era sua prorròga entà futurs ans, maxim pendent 4 ans mès, o ben era rescission deth madeish.

NAUUAU.- Es parts signatàries d'aguest convèni s'obliguen a dar compliment ara Lei 19/2014, de 29 de deseme, de transparéncia, accés ara informacion publica e bon govèrn enes tèrmes en que li siguen aplicables.

DESAU.- Es parts signatàries d'aguest convèni s'obliguen a dar compliment ara Lei Organica 3/2018, de 5 de deseme, de Proteccion de Donades Personaus e Garantia des Drets Digitaus.

ONZAU.- Eth present convèni està subjècte ath règim juridic establìt pera Lei 38/20023, de 17 de noveme, Generau de Subvencions e eth sòn Reglament aprovat peth Reiau Decrèt 887/2006, de 21 de junhsèga.

E en pròva de conformitat, ambdues parts signen era presenta addenda e a sonque un efècte, e en lòc e data nomentadi.

(Document signat electronicament)